

起立除誦經時作務時病時○侍師師命坐方坐師有問當起儒禮云君子問更端則起而對

坐卧威儀

看閱經典不得箕踞當焚香正襟危坐○不得當聖像坐○坐功依師傳受接時靜坐不得失次○對師長不得坐功○對賓客不得坐功○夜中宜多坐少卧○不得同婦人坐○不得與女冠同坐○如女冠來問道開示畢卽遣歸不得久留坐○靜坐約一時或經行或卧○與人並坐不得橫肱坐○不得堅膝坐交臂膝上○卧宜側禮屈足醒則舒不得偃仰卧○不得與師同房卧或同房不得同榻卧○師未卧不

道藏輯要

初真戒

至

張集七

得先卧○已卧不得言語○不得脫小衣卧○不得於非處卧○临卧携火入房須與同房者知云火入欲熄火亦與知云更用燈否○大暑不得伏地卧○不得露卧○不得晝卧○不得飽食便卧○不得置火枕邊○不得携穢器從法堂前過○晨起先左足下牀

临卧時咒曰 太真玉女侍真衛魂三宮金童來守生門

卧醒時咒曰 當願衆生以迷入覺一旦豁然

下牀時咒曰 化惡反善上書三光使我長生乘景駕雲

作務威儀

凡作務不得辭勞苦○平日當愛惜常住物不得狼籍米穀

粉麩等○凡洗菜當三易水○凡汲水當先澡手○凡汲水當諦視有蟲無蟲絹濾過方用○嚴冬不得蚤瀘水須待日出○爨不得燃腐薪○凡作食當三澡手不得帶爪甲垢○掃地當先洒水每方五尺作一次掃不得揚塵不得逆風掃不得聚灰土於門扇後

沐浴威儀

浴宜朔日不得當風○不得帶濕縈髻○不得抵髮不避人前○沐不得數○不得與俗並日○入浴室脫衣著衣當安詳自在○入浴先洗僻處○不得浴室小遺○不得粗躁致湯水濺隣人○入浴不得共人語○不得恣意久浴妨礙後

道藏輯要

初真戒

卷三

張集七

人○有瘡癬當後浴不得先入○湯冷熱依例擊柳不得高聲大喚○沐浴宜五香湯白芷桃皮栢皮零陵青木香也○沐浴未乾不得趺坐及卧

沐浴微咒曰 天地開朗四大爲常玄水解穢辟除不祥雙童守護七靈安房雲津練濯萬炁混康內外利貞保茲黃裳書云不矜細行終累大德約而言之事事不過一敬推而廣之洋洋奚止三千現前眾等若能隨事體察觸類旁通始或勉強終歸自然也勇猛力行無怠無忽不惟具大福報決定仙都紀名復有護戒神王營護戒體證無上道